

一 國方志叢書・華中地方・第九四二號

據

清・杜一鴻等修，周璣等纂
清乾隆三十六年刊本

影印

江 西 省

龍泉縣志



成文出版社有限公司印行

龍泉縣志卷之六

知縣杜一鴻纂修

形勝志上

在天成象在地成形地之以形爲勝昭昭也然勝之有形者地而勝之無形者人夫固地以人傳豈青烏家陰陽休旺之所徵也哉泉邑雖號巖疆而鍾孕匪無間氣故凝峙者人資其靈要塞者人守其阻卽別館叢林要皆畸人高士之所選勝而遺跡者於是乎有勝之理焉爲之志形勝曰山水曰關津曰亭館曰寺觀曰古蹟

山水

金山詳古蹟

銀山 詳古蹟

石含山 詳古蹟

西龍山 詳古蹟

玉泉山在縣東南十里亂山中有泉自石罅中出潔白如玉冬

夏不枯上有普空院久廢

廣輿記

錢唐山在縣東南十五里高十餘丈廣袤五里山壤衍沃卉木

叢茂山麓有徑通南康下有土門俗名虎門

虎山卽虎潭 詳古蹟

盤窩山卽盤窩書院

詳書院

掛榜山在縣西五里蠶州巨石星列儼若題名

天馬山 詳古蹟

鳳凰山在縣東二十里高三十丈廣袤三里邑人蕭世京築齋讀書於此匾曰鳳凰遂以名山

萬福山一名百福山在縣北三十里山勢盤曲林木鬱茂四時如春山後翠嶂如屏名錦屏峰旁有石屋上有仙壇最稱靈顯遠近朝謁不絕明邑人梁期旃重修雍正八年里人復修邑人士之避囂習靜者多讀書其上

九日彭裕卿招同劉君復君政項右君彭非玉門人彭百朋翟友遊百福巖信宿得句

蔡文詔

邑人

不羨東籬坐支筇訪石臺樹陰隨境出山面逐人開倚檻千村盡臨巒萬壑迴祇疑今勝集曾向日邊來

萬福翠屏

蔡端

邑人

青芝山志卷二
摩霄絕嶂隱天庭雲跡嵐窠護玉屏幻極人工羅翠碧移
來天錦入苔青清秋巒瀌容如洗陰雨塵封眠若局疑倩
當年丁斧削憑虛一架影亭亭

百福山東西兩巖

王鼎
邑人

混沌何年啟化工劃開天宇儼西東虛檣綺合晴雲繞削
壁光生曉日融僧舍半因修谷失乳泉偏向斷崖通幽求
此日歸真賞剩得吟思遶桂叢

百福仙山

前名

一磴縈紆鳥道盤貝宮深鎖碧雲端緣儼斷凌雲閣遶
岵參差倚石壇嵐極彩屏第風吹雅韻落清湍客來
幾許空塵累古寺鐘聲入夜殘

遊百福仙山

彭登驄邑人

遊到名山夢亦清孤峰遠影映清明竹搖蒼昊揮雲錦松
茂巖巒接地茵好友二三瓶更酌高僧五六話重尋寒盟
莫惹山神恨歸去來今踏翠屏

濠溪山在縣東南三十里山麓有淨居院廢址卽今密石菴
渾源湧石太山在縣東南三十里廣袤數十里泉出爲陂數十
末爲廬陂山下有湧石祠久廢

雞籠山在縣東四十里永興鄉月湖之東高十餘丈草木葱籠
形如雞罩欲雨則雲蒸下有龍潭竈

蟠龍山在縣西六十里永興鄉山環水抱清麗秀異有若龍蟠
竹林叢茂山下有廟甚靈

幞頭山在縣西六十里山形如幞頭時有赤光照人有上中下三洞洞中水流清泚俗云流水啖頭好烹茶啖味長

頭山在縣西南六十里高三十餘丈廣袤五里許山產茶極佳仙山在縣北一百二十里黃桑州高五十丈廣袤五里極險峻上有羅浮橘一株熟時風墮地得者訛傳仙橘云

羅賢山

詳古蹟

黃巒山

詳古蹟

蓮花峰

詳古蹟

五華峰

詳古蹟

妙峰在縣西一里孤聳峭絕下臨長溪溪山相涵最爲幽秀上
有天符行祠久廢

珠峰卽盆珠詳古蹟

天柱峰在縣西南二十五里大苓大小雙峰並起蒼翠光靄朱時立寨其上

白雲峰在縣東南三十里天將雨則其巔出白雲晴時亦然

許婆峰詳古蹟

斧峰在縣西北四十五里桑坑森稜廉利如斧下有

小徑登者道路盤折呼爲點踏磴

玉匣峰在縣西北八十里廣百步高近百尺其巔有石匣相傳

內藏玉牒

明山峰在縣北一百里金田高出雲表浮嵐積翠如畫可供登

眺

峩嶺 詳古蹟

蓬萊嶺在縣西北五十里板坑上有金雞石通天巘石筍簪仙浴池諸勝蹟人以擬之海上蓬萊

李杏嶺在縣東南七里新寨盤曲崔巍下產雜果惟李獨多嶺之麓昔有華山院及塔今俱廢

黃土嶺卽黃土關 詳閼津

蛇長嶺在縣北十五里爲北路通衢迤邐于餘里地勢平衍無石磴沙磧行旅便之北接應埠嶺亦然

雲霄嶺在縣西三里金山之右

連珠嶺又名官嶺在縣西五里土堆數十高低聯絡如貫珠然東臺嶺在縣東十里嶺勢平望若臺相傳昔有異僧結茅庵於

此

公嶺在縣南二十五里嶺高數仞勢張如飛鷺故名

塔嶺在縣南十五里形如層塔昔有寨今廢下有瀧水石湍激頗類武陵

石牛嶺在縣東南二十里高百仞上有石大小數千羣若牛偃仰之狀

密嶺在縣東南二十里傍有鼓臺石往南康者以此爲間道

佛嶺卽鄧姑泉詳古蹟

了善嶺在縣東南二十里一山兩峰狀如雙鬟

栢木嶺在縣西北二十里光化鄉又號端公巖天然石室生成

爐塔佛相值風至鐘聲響曉月暗夜深隱隱如僧端坐悟道

狀

金龜嶺在縣西北二十里瀨源嶺勢偃伏不產草木望之有光若金龜背又有金魚巨石

大障嶺在縣西三十里武陵一名大寶嶺上有竅廣可五六尺或投以石如鼓聲止則羣燕飛出土人呼爲銅釘窟相傳古鄢仙遺蹟

琉璃嶺在縣西三十里高數百仞逶迤十餘里三灣百折峰巒萬疊俗名十八排

將軍嶺在縣西北四十里高聳歆灰路通蜀鄉永新至嶺而平廣可數百武置菴亭施茶并設塘汎以爲防焉山產茶佳古木陰森時有澗響松濤可供吟嘯

將軍嶺修菴小引

張振義 邑人

距郭北四十里爲將軍嶺當邑之衝路欹仄而迂躡者疲力急喘步數武一休至其巔必假息片晌然後得行負嶺而夷其址廣可四百步結爲菴又卽途之坦處跨而亭之僧人設薺湯飲行者徃來便焉菴近圯而亭亦廢復爲行旅病僧人力謀修葺乞予以言予曰是山也藉菴而韻豈直便行旅哉余向者篋輿簪笠歲一再至當茶烟旣歛飽餘香積見門外古木陰森輒喜振衣其側以收千仞之勝凡山下邨落相去一牛鳴地錯列可數牕宿牖間卧視鳥沒時有澗響松濤度余枕上聽之莫測其際洎今不蠟屐者十年矣山之面目如接菴之禪榻宛然於其請也觸昔

遊聞見之景弗忍其蕩於榛莽願告同里各出所藏稱所
費恢舊址而崇厥制將使畸人賦客杖屨時臨寓清賞於
石磴晴嵐盪唼懷於泉絃鳥哢于唱和依我磬聲則茲
山韻矣若行里往來托爲寧庇特其餘蔭所及奚足蔽是
舉之善哉是猶繪然山之受采在諸檀施暈染之耳余筆
非丹青能假空言着色乎卽拈此以塞所請僧袖簡領之
而退

自將軍嶺至黎坪凡二百里有奇重巒疊嶽峻嶺危嵒綿
亘相屬恠險不可名狀罄折佹倭足難布武深山氣候
不齊晴雨百變卽事有詩

社一鴻

山雲忽作雨飄灑無常期行人慘不發 掌欲何之雲密

未歸岫雨驟不循池荆棘况糾縵磴道紛逶迤行行恐泥
淖僕馬相提携嗚呼此非劍閣與函關胡爲崎嶇佶曲迴
千盤昔人長歌行路難未到此境殊等閒須臾日出仍杲
杲遍野陰霾淨如掃新晴轉覺山光好驅車又向紅塵道
判官嶺在縣東十五里狀如朱几綿亘五六里山首有土城舊
名漢江城四門畢具相傳東漢時土神所築宋縣治在五都
此其演武地也

九日偕項右君及謨弟登漢江城

蔡文詔

特欲宜秋政沽泉訪舊崗古城猶照水新菊半經霜遠澹
山屏翠森疎樹改蒼何須籬下坐獨自隔奇光

和項右君韻

前名

荒堞留茵席長江照野筵以余孤意迥共子逸情聯誅草
分隣火捫蘿酌澗泉金山遙望處空自憶當年

又和謨弟韻

前名

戲馬何年事今來萬木秋村烟分古寺線水蕩孤舟有茗
皆堪醉無花亦勝遊浩歌忘日暮挈影幾同儔

漢城朱几

蔡端

亭外平巒舊有各舒眸倚檻足怡情山山月色當窓吐樹
樹風聲入座迎紅錦斜鋪凝几曲白雲長護引臺平祇今
試問當年識徒感興衰說漢城

東山今名鎮龍山在六廂山頂可周視數十里俯瞰泉江縈迴
如帶下有石屋可坐數人

九日登東山移樽石屋限韻

蔡文詔

從容杖屨指山東秋政間宜愜好風選勝峰顛天界盡探
幽石窟水痕窮環青似我客俱老浮白扶人世欲空日暮
不須尋落帽暫將短髮倚雲中

九日登東山得山字

前名

尋秋移步跡東山十載勞勞此又攀

乙巳年九月曾登此後不復至岸轉

乍疑新徑直渚浮猶見舊痕灣無言樹古棲巒老有恨灘
高落響潺欲覓茱萸何處問遲留暫享一時閒

東山遠眺

蔡端

縱覽高峰快遠探長江如練曳澄潭千家烟雨縫雲黛萬
壑松風捲暮嵐曲水浮香花泛酒遶流照影月留談年來

悟得無生法時與僧俱學種曇

書堂嶺在縣東北三十里古塘邑人蕭佐讀書處

郭公嶺在縣西三十里大坑嵯峨幽秀延袤二十餘里宋時邑人郭思愈開闢路徑故名

五尺嶺在縣東四十里徑路盤曲諺云過此嶺可織布五尺往萬安間道

六尺嶺在縣西北四十里禾蜀鄉嶺勢巍峻緣陟難登道路曲折與五尺嶺同

石鼓嶺在縣南五十里有石形如鼓叩之有聲因名

新田嶺在縣西八十里高數十丈廣三里四面斬絕頂上有泉長流不竭